

CHANSON INÉDITE

DE GUILHEM D'ANDUZE ¹

(B. N., ms. 1749, f^o 147 ro)

GUILHEM D'ANDUZA

- I. Bem ² ditz quem lais de chantar et d'amor,
Fol ditz que chant et en amor m'entenda,
Et ieu no sai vas qual d'amdos m'enprenda.
4 Pero joven sec ades la folor,
Per qu'ieu segrai, vueill' o no, la foldat,
Si com destreitz e forsatz per joven,
Quar ab folor cueill hom lo meilleur sen.
8 Donx, si folei, nom deu esser blasmat.
- II. Qu'ieu sec mon cor col velal ven que cor,
Quel cor no vol que fas'otra fazenda
Mas sol d'amor, quem par esser esmenda
12 Dels tortz, dels dans, del mal, de la dolor
Qu'ieu ai per vos, pros dona, sufertat,
Pos anc vos vi, c'otra nuill joi nom ren,
E si merce ab vos non truep breumen,
16 Muer, e prec Dieu queus perdo lo pecat.
- III. Plus fon mon cor que neus per gran calor,
E plus que fuec m'es avìs qu'escomprenda.
Sabetz per que? Dreitz e(s) razos entenda.
20 Per vos, c'avetz sobre totas valor,

¹ Il a été question de cette chanson et de son auteur ci-dessus, p. 17, à l'article GUIRACT. Raynouard (*Choir*, V, 178) en a publié le 3^e couplet.

² Corr. *Sens* ?

Beutat e sen, ensenhamen e grat,
Qu'ieu cre, si vis vostre cors grail' e gen,
Ypolite, que visquet castamen,
24 Fora Floris de cor enamorat.

IV. C'anc tal beutatz no fo mais ses amor,
Bem meravill com es que no s'oisenda
En vos amor, qu'es genser ses contenda
28 C'anc fos ni es, e son gualiador
Vas me mei hueill, e s'ill m'an galiat,
Ill prendon part en lur gualiamen,
Que tals trai qu'es traitz el traïmen.
32 Donx s'ill m'an trait, ill compron la foudat.

V. Mas ieu cre be aiatz beutat major
Que als hueils non par, e cor que no despenda
Sa gran beutat greu er que nos reprene,
36 Quan faillira de sa fresca color ;
Donx no mostretz encontr' umelitat,
Sius platz, ergueill, quan [ieu] plus bas deisen.
Pero em patz sofrirai lo turmen,
40 Tro digon tug per sofrir l'ai jogat.
